



საქართველოს იუსტიციის უმაღლესი საბჭო

ქ. თბილისი № 1/154

“ 18 ” ნოემბერი 2020 წ.

ბ ა ნ კ ა რ ბ უ ლ ე ბ ა

**ნ. მარშანიას თბილისის საქალაქო სასამართლოს სამოქალაქო საქმეთა
კოლეგიის მოსამართლის თანამდებობაზე გამწესების შესახებ**

„საერთო სასამართლოების შესახებ“ საქართველოს ორგანული კანონის 36-ე მუხლის მე-4 და 4¹ პუნქტების საფუძველზე და საქართველოს იუსტიციის უმაღლესი საბჭოს მდივნის თანდართული დასაბუთების შესაბამისად, ნათია მარშანია 2020 წლის 1 დეკემბრიდან გამწესდეს თბილისის საქალაქო სასამართლოს სამოქალაქო საქმეთა კოლეგიის მოსამართლის თანამდებობაზე 3 წლის ვადით.

ნინო ქადაგიძე

საქართველოს უზენაესი სასამართლოს თავმჯდომარე
საქართველოს იუსტიციის უმაღლესი საბჭოს თავმჯდომარე

დასაბუთება
ნათია მარშანიას თბილისის საქალაქო სასამართლოს
მოსამართლის თანამდებობაზე დანიშვნის თაობაზე

„საერთო სასამართლოების შესახებ“ საქართველოს ორგანული კანონის 35-ე მუხლის საფუძველზე საქართველოს იუსტიციის უმაღლესი საბჭოს მიერ 2020 წლის 26 ივნისის №1/89 გადაწყვეტილებით გამოცხადდა მოსამართლეობის კანდიდატთა შესარჩევი კონკურსი საერთო სასამართლოების სისტემაში არსებულ ვაკანსიებზე. მათ შორის თბილისის საქალაქო სასამართლოს სამოქალაქო საქმეთა კოლეგიის მოსამართლის 8 ვაკანტურ თანამდებობაზე.

კანდიდატთა რეგისტრაცია მიმდინარეობდა 2020 წლის 29 ივნისიდან 19 ივლისის ჩათვლით. მითითებულ ვაკანსიაზე დარეგისტრირდა 35 კანდიდატი.

2020 წლის 24 ივლისიდან 21 აგვისტომდე მოსამართლის საქმიანობის შეფასების მართვის დეპარტამენტის მიერ კონკურსში მონაწილე კანდიდატებზე, მათ შორის ნათია მარშანიაზე მოძიებულ იქნა „საერთო სასამართლოების შესახებ“ საქართველოს ორგანული კანონის 35² მუხლით გათვალისწინებული ინფორმაცია, რომელიც იუსტიციის უმაღლესი საბჭოს წევრებს წარედგინათ 24 აგვისტოს.

კანდიდატის შესახებ მოძიებული ინფორმაცია:

ნათია მარშანიას აქვს სპეციალობით მუშაობის 12-წლიანი გამოცდილება. იგი 2007-2019 წლებში მუშაობდა თბილისის საქალაქო სასამართლოში სხდომის მდივნის და მოსამართლის თანაშემწის თანამდებობებზე.

ნათია მარშანია იუსტიციის უმაღლესი სკოლის მე-15 ჯგუფის კურსდამთავრებულია.

იუსტიციის უმაღლესი სკოლის დამოუკიდებელი საბჭოს შეფასებით ნათია მარშანიამ წარმატებით გადალახა სრული სასწავლო კურსის ყველა ეტაპი. იყო დისციპლინირებული მსმენელი, იცავდა სკოლის წესდებითა და შინაგანაწესით დადგენილ მოთხოვნებს.

სკოლაში სწავლის პერიოდში მას არ დაკისრებია დისციპლინური პასუხისმგებლობა.

ნათია მარშანია არის საქართველოს ტექნიკური უნივერსიტეტის დოქტორანტი. გამოქვეყნებული აქვს სტატია თემაზე: „დაზღვევის ხელშეკრულების დადების მომენტი საზღვარგარეთის ქვეყნების სამართლის მიხედვით“ (2014 წ.).

კანდიდატთან გასაუბრება:

საბჭოს წევრების მიერ კანდიდატების შესახებ მოძიებული ინფორმაციის გაცნობის შემდეგ დაინიშნა კანდიდატებთან გასაუბრება. საბჭოს წევრები კანდიდატ ნათია მარშანიას გაესაუბრნენ 13 ოქტომბერს. გასაუბრება წარიმართა ღია სხდომაზე და მას ესწრებოდნენ არასამთავრობო ორგანიზაციების წარმომადგენლები.

კანდიდატის შეფასება:

2020 წლის 5 ნოემბრიდან 12 ნოემბრამდე პერიოდში იუსტიციის უმაღლესი საბჭოს 15-მა წევრმა კანდიდატი ნათია მარშანია შეაფასა კომპეტენტურობისა და კეთილსინდისიერების კრიტერიუმების მიხედვით.

ნათია მარშანიას კეთილსინდისიერების კრიტერიუმით შეფასებისას, საბჭოს შემფასებელმა 14-მა წევრმა მიიჩნია, რომ იგი სრულად აკმაყოფილებს აღნიშნულ კრიტერიუმს, ხოლო ერთმა მიიჩნია, რომ აკმაყოფილებს კეთილსინდისიერების კრიტერიუმს.

საბჭოს წევრთა მიერ ნათია მარშანიას კომპეტენტურობის კრიტერიუმით შეფასებისას ამ კრიტერიუმების მახასიათებლების მიხედვით კანდიდატის მიერ მოპოვებულმა ქულათა ჯამმა შეადგინა 1299 ქულა, რაც ქულების მაქსიმალური რაოდენობის 86.60%-ია.

კენჭისყრის შედეგები:

2020 წლის 18 ნოემბერს თბილისის საქალაქო სასამართლოს სამოქალაქო საქმეთა კოლეგიის მოსამართლის მე-6 ვაკანსიაზე ჩატარებული კენჭისყრის შედეგად, რომელშიც მონაწილეობა საბჭოს 14-მა წევრმა მიიღო, ნათია მარშანიამ მოიპოვა 12 ხმა.

აღნიშნულ ვაკანსიაზე ბიულეტენში შეყვანილ იქნა 25 კანდიდატი, მათგან 5 მოქმედი მოსამართლე, 7 ყოფილი მოსამართლე და 13 იუსტიციის უმაღლესი სკოლის ყოფილი მსმენელი, კერძოდ:

- | | |
|---------------------------------|-------------------------------|
| 1. ბებიაშვილი მიხეილ - 0 ხმა | 14. მარშანია ნათია - 12 ხმა |
| 2. ბერეკაშვილი ქეთევან - 0 ხმა | 15. მერაბიშვილი ნათია - 0 ხმა |
| 3. ბიწაძე ეკატერინე - 0 ხმა | 16. ნადოი რეზო - 0 ხმა |
| 4. გიორგაძე ნინო - 0 ხმა | 17. უბილავა გიზო - 0 ხმა |
| 5. გოგატიშვილი დიანა - 0 ხმა | 18. ურთმელიძე თამაზ - 0 ხმა |
| 6. გოგატიშვილი ნინო - 0 ხმა | 19. ფუხაშვილი მორის - 0 ხმა |
| 7. დუგლაძე ქეთევან - 0 ხმა | 20. შოშიაშვილი მაია - 0 ხმა |
| 8. ვატიტაძე გრიგოლ - 0 ხმა | 21. ხაბალაშვილი ნინო - 0 ხმა |
| 9. ზათიაშვილი ვერიკო - 0 ხმა | 22. ხუსკივაძე ირაკლი - 0 ხმა |
| 10. თაყაძე თეა - 0 ხმა | 23. ხუჭუა ვლადიმერ - 2 ხმა |
| 11. კლდიაშვილი ლაშა - 0 ხმა | 24. ჯავახიშვილი მაია - 0 ხმა |
| 12. კოხრეიძე ლეილა - 0 ხმა | 25. ჯინჯოლია მიხეილ - 0 ხმა. |
| 13. მამაცაშვილი ქეთევან - 0 ხმა | |

დასკვნა:

კანდიდატის - ნათია მარშანიას კეთილსინდისიერების (საბჭოს 14-მა წევრმა მიიჩნია, რომ იგი სრულად აკმაყოფილებს აღნიშნულ კრიტერიუმს) და კომპეტენტურობის (წერისა და ზეპირი კომუნიკაციის უნარის, პროფესიული თვისებების, სამართლებრივი დასაბუთების უნარისა და კომპეტენციის) კრიტერიუმების გათვალისწინებით, კენჭისყრის შედეგების საფუძველზე, სხვა 24 კანდიდატთან შედარებით უპირატესობა მიენიჭა და შესაბამისად, თბილისის საქალაქო სასამართლოს სამოქალაქო საქმეთა კოლეგიის მოსამართლის თანამდებობაზე 3 წლის ვადით განწესდა ნათია მარშანია.

ნიკოლოზ მარსაგიშვილი
საქართველოს იუსტიციის
უმაღლესი საბჭოს მდივანი